

愛如生數字古籍

 愛如生
www.er07.com

序

甬浙轄十一郡瀕海六而孤
懸海中之沁則舍定海惟玉
環為最險要西達烏洋東環
鹿島東北楚門甌隩屏世笏

立踰黃坎二門而出漁舫賈
船以及漚鬻閩首之邦梯航
膺至美哉決々乎玉環廳以
山名也舊名木嶼或作木榴
木作木漚又作木陋鄭緝之

永嘉郡記又謂之地肺山跨
溫台之間分屬樂清太平延
袤七百里地大物博易藪崔
苻明初倭患亟徙民內地久
等珠厓之棄矣

國朝雍正間尚書李公衛撫
浙疏請展復設玉環同知以
專責成百餘年來生殖康阜
賢木蔚興今同守金谿胥君
雲松政事之暇留意文獻因

前志而開局重修廣為一十
四卷可謂敏且博矣予試事
訖君以書成徵序予以是志
有闕民瘼海防之大而不止白
龍湫珠簾島翠雲窩諸勝足

三
五
鳳
元
三
以
供
墨
客
騷
人
之
題
詠
已
也
遂
欣
然
而
弁
數
言
於
簡
端

光
緒
六
年
歲
次
庚
辰
秋
九
月
下
澣
督
學
使
者
太
和
張

澧
卿
撰

序

湖東名勝永嘉古稱山水窟晉
唐以來探奇選勝之士放浪巖
壑追幽整險靡不窮極而海中
鉅區如玉環山者歷代廢棄之

有明以前無聞焉至

皇朝雍正間宮保李公覲知其
地闕於

朝命因知張坦熊徑開之建城郭
移人民置廬市都鄙有亭封

洎有度魚鹽有定則教訓生
聚積數年而規模畢舉其
後又積爲十百而後生齒日
繁人文日盛由是山效其靈
水呈其瑞向等於珠厓之

棄者今則為詩書文物之邦
此固賢有司振興作養於
甸六

國
家文治之隆所稱洽也余於戊
寅之秋奉

命分巡溫處兩郡而玉環廳治
隸之時權厯篆為杜君徵三閩
其訪求舊志將增益換筆勒
為朱書以新一廳之美秀此蓋
能繼張君之後大有功於斯

土者地書未歲事君去官代徵
三者為胥君雲松徵三所未竟
雲松又繼之閱兩年而志書
成屬序於余忠翰譚隨無文
深媿不敏而杜青兩君之拾遺

訂陸使百餘年文獻不就湮沒
心竊嘉子憶前年冬黃溫雨
鎮巡哨於寨頭洋面余往監
軍曾至其地羣山拱峙滄海
環周良甲半開青蒼萬頃風

俗純樸去古未遠舉凡目之所
覩身之所履志中丁可考今而
後譚淵素形勢者固不獨承
嘉擅其美考抑又聞之民生
休戚司牧者之責也吾知後此

之日必有流風善政為編氓所
淪洩而可採入斯志以傳播不
朽垂休無窮者則又大有望
於胥君也是為序

光緒六年歲在庚辰十一月

賜進士及第分巡溫處兵備道山

右溫忠翰撰并書

